

Vuk'uzenzele

Produced by: Government Communication & Information System (GCIS)

English / Xitsonga

April 2020 Edition 1



Springbok captain makes history

Page 16




Poultry farming: not for headless chickens

Page 9

JOBS INSIDE:

Protecting SA together



Government and civil society have acted swiftly to curb the spread of the novel coronavirus (COVID-19), keeping citizens safe and assisting them during these trying times.

Regulations published on 18 March, which came into immediate effect, restricted bars and shebeens from selling alcohol after 6pm from Mondays to Saturdays and 1pm on Sundays and public holidays. The same applies to liquor stores.

While gatherings are limited to 100 people, places that sell alcohol for on-premises consumption can only host 50 people at a time.

In addition, visits to child and youth care centres, old-age centres and shelters, prisons and substance abuse treatment centres are suspended.

All public pools have been closed and all beaches are closed for swimming.

People must get permission at their closest police station to conduct a funeral or wedding as gatherings of over 100 people are banned.

Another measure that will assist South Africans is the cutting of the interest rate by one percent, to 5.25 percent, which will help citizens in debt save money.

Health Minister Zweli Mkhize says government is preparing quarantine sites and training healthcare workers.

• Cont page 2



To read Vuk'uzenzele download the GOVAPP on:



Search for SA Government on Google playstore or appstore

CONTACT US

Website: www.gcis.gov.za
www.vukuzenzele.gov.za

Email: vukuzenzele@gcis.gov.za
Tel: (+27) 12 473 0353

Tshedimosetso House:

1035 cnr Frances Baard and Festival streets, Hatfield, Pretoria, 00083

FREE COPY NOT FOR SALE



"SWESWI I NKARHI WA HINA HINKWERHU KU TIRHISANA, HI KU XIXIMA NELSON MANDELA, KU AKA AFRIKA-DZONGA RO ANTSWA, LERINTSHWA RA HINKWAVO."

PRESIDENTE CYRIL RAMAPHOSA

#SendMe

ENDLA VUMUNDZUKU BYA WENA BYI TIRHA KU ANTSWA
LANDZELA MIKONDZO YA MADIBA



Hikwerhu hi nga lwa na khumbheko wa COVID-19



Matiko ya misava ma le ntshikelelo lowukulu wa xilamulelamhangu xa swa rihanyu ra vaaki eka mpimo lowu nga se tshamaka wu va kona eka ku tlula dzana ra malembe.

Ku hangalaka ka xitsongwatsongwana xa khorona lexi vangaka mavabyi lama tivekaka tanahi COVID-19 ku humelele hi xihatla no khumbha ndhawu leyikulu, naswona sweswi ku hlamuse-riwa tanahi ntungu wa misava hinkwayo.

A xi tivi mindzilekana ya ntimvombangu kumbe ya tindhawu, naswona xi tlulela lavantshwa xikan'we na lavakulu, naswona xi le ku hangalakeni eka matiko lama nga hluvuka na lawa ma ha hluvukaka.

Leswi nxopanxopo na nkambelo swi tlakusiwaka, nhlayo ya ntlulelamavabyi eAfrika-Dzonga yi languteriwa ku tlakuka.

Sweswi ndza ha ku hlamanya xiyimo xa khombo xa rixaka, goza leri fambisanaka na ku tika ka nxungeto eka vanhu va ka hina, rixaka ra hina na ikhonomi ya hina.

Leswi swi ta endla leswaku hi va na ndlela yo lawula mhangu leyi khomanekе na ku tumbuluxa tisisiteme to angula ta xilamulelamhangu, ta xihatla na ku anakanya.

Xitsongwatsongwana lexi xi ta vanga mpfilumpfilu swinene, naswona xirhangana xa hina i ku sirhelela rihanyu na ntshamiseko wa Maafrika-Dzonga hinkwawo.

Hi tlhela hi fanela ku ololoxa ku wa ka ikhonomi loku nga papaletekiki. Hi fanele hi langutela ku hunguteka ka swixaviselavambe, ku hunguteka ka ku fika ka vapfhumba na ntshikelelo lowukulu wa vumaki, khumbheko eka mabindzu na ku tumbuluxiwa ka mitirho na ku yi khoma.

Khabineti yi le ka endlelo ro hetisa ntsengo wa swinghenelelo leswi nga na vuxokoxoko byo hetiseka eka ku lwsana na ntshikelelo wa COVID-19 lowu languteriweke eka ikhonomi ya hina. Leswi swi endliwa hi ku tirhisana na van'wamabindzu, vatirhi na miolangano leyi khumbekaka.

A ku ri Louis Pasteur loyi a nga vula leswaku nkateko wu wela miehleketo leyi tilulamiseleke.

Maafrka-Dzonga ma tilulamiserile, naswona ma vi le tano nkarhi wo leha.

Ku sukela loko ku vikiwile mhangu ro sungula, hi tirhile ku va na magoza yo xopaxopa no svela ku hangalaka ka yona.

Sisiteme ya hina yo angula ya rixaka yi rhangeriware hi Komiti ya Nhlengelo wa Vaholobye (IMC) leyi fambisiwaka no rhangeriware kahle hi Holobye wa Rihanyu, Dokodela Zweli Mkhize.

Ndlela leyi IMC na mitlawa yo seketela yi anguleke hakona eka xilamulelamhangu lexi yi ve xikombiso lexinene no khorwisa, ngopfungopfu eka ku pfuneta ku herisa ku chava eka vaikitiko.

Ndzi ta fambisa Huvo ya Vulerisi ya Rixaka ku hlanganisa swiyenge hinkwaswo swo angula swa rixaka ra hina.

Afrika-Dzonga yi na rhekodo ya kahle ya ku lawula swilamulekamhangu swa rihanyu ra vaikitiko. Hi na vutivi, switirho na vutivi. Vativi va swa sayense na vativi va ku hangalaka na vulawuri bya mavabyi va hina i va xiyimo xa matiko ya misava.

Hi te na mpfangano wa magoza ya xilamulelamhangu, naswona hi ta endla mpfuneto wa swa timali wu va kona ku seketela matirhiselo ya wona.

Ma katsa ku siveriwa ku endza eka vapfhumba kusuka eka matiko lama nga na nxungeto lowukulu, ku kamberiwa loku bohaka, ku kala u nga ti-hlanganisi na vanhu van'wana kumbe nhlambulo wa vaikitiko va Afrika-Dzonga lava va vuyaka eka matiko lawa; na ku tiyisisa mbalango, nxopanxopo na nkambelo eka tindhawu to nghena eRhiphabliko.

Ku fambela kule na vanhu i ka nkoka swinene loko hi ta kota ku hunguta ku hangalaka ka COVID-19.

Ku hlengelatana ka ku tlula vanhu va 100 ku yirisiwile, naswona ku tlangela ka vanhu lavanyingi hi masiku ya rixaka ku yimisiwile. Ku vhakachela vabohiwa emakhotsweni hinkwawo ku ta yimisiwa masiku ya 30 ku sukela sweswi. Ku endzela matiko ya misava loku nga riki ka nkoka hi vatiherlamfumo a ku pfumele-riwanga na ku endza ka laha ndzeni ka tiko loku nga riki ka nkoka a ku hloholteriwi.

Tigede ta 35 ta le misaveni ti ta pfariwa na mihlaluko yimbirhi yo nghena laha tikweni yi ta pfariwa, switano na swikolo leswi nga ta pfariwa kusukela hi ti 18 ta Nyenyankulu kufikela hi ku hela ka vhiki ra

Paseka. Hi ta tivisa magoza ku nga ri khale hi mayelana na tiyinivhesiti na tikholiche.

N'hweti leyi taka ku ta va Paseka, nkarhi wo kwetsima eka vukhongeri byo hlaya, naswona i nkarhi lowu vukhongeri bya vanhu votala na tinhlegetano ti nga ta va kona. Vukhongeri va fanele va teka swiboho hi mukhuva lowu rhangisaka emahlweni rihanyu ra vukhongerikulobye va vona na tiko hi ku angarhela.

Vulawuri bya nsivelamava-byi byi fanele byi tiyisisiwa eka tisekithara hinkwato.

Muakatiko wun'wana na wun'wana u fanele a byarha vutihlamuleri bya vuhaliseki bya yena hi ku landzelela magoza yo fana na ku hlamba mavoko hi xisibi nkarhi na nkarhi kumbe xidlayswitsongwatsongwana swa le mavokweni na ku tipfala tin-hompu kumbe nomu hi thixu kumbe ku tipfala nomu hi xikokola loko a khohlola kumbe a hetshemula.

Tanihi xiphemu xa hina xa matshalatshala ya rixaka, Ndzawulo ya Rihanyu yi ta ya

emahlweni na pfhumba leri tiyike no ya emahlweni ku tisa lemukiso hi mayelana na ku siveriwa, ku hangalasiwa na swikombiso swa ku tlulela ka mavabyi. Ndzi hlohotela Maafrka-Dzonga hinkwawo ku titoloveta hi matheriyali yo sivila leyi faneleke.

Magoza lawa ma fana na ya lematikweni man'wana, naswona i swa nkoka leswaku hinkwerhu hi twisia leswaku a hi yo hi xupula, kambe i mhaka ya vuhaliseki bya vaikitiko.

Yin'wana ya tinghozi letikulu eka nkarhi lowu i ku tsan'wa na ku pfumala vutivi.

Hi fanele hi yima ku hangalasa mahungu ya vunwa no kala ma nga kambisisiwanga,

ngopfungopfu eka xihangala-samahungu ya vaaki. Leswi swi nga nyanyisa matitwelo yo chava ya rixaka lawa ma nga kona na ku onha tshalatshala ra rixaka.

Hi fanele hi tlhela hi nga pfumeleri ku hambana hi mavonelo loku hi nga ku vona ematikweni man'wana loku a ku kongomisiwe eka vaakitiko va matiko lawa ntungu wu sunguleke eka wona kumbe exivindzini xa nkarhi wa sweswi eEuropa. Lexi ko va xitsongwatsongwana lexi khumbhaka vanhu va tinxaka hinkwato.

Ahi tweleni vusiwana vanhu lava nga tluleriwa hi mavabyi na lava va faneleke ku vuya ekaya kusuka eka matiko lama nga na nxungeto lowukulu.

Ahi pfuneni lava nga hlupheka na lava va nga sirheleleka ngiki swinene ematshanweni yo va papalata. Hi ta tshama hi tshembekile eka mikhuwanene ya ku kondzeliana na ku xiximana loku hi hlamuselaka tanahi vanhu.

Hi ku yimela vanhu hinkwavo va Afrika-Dzonga, ndzi khensa ntlawa lowu nga vuyisa varikwerhu kusuka eWuhan, eChina, xikan'we na vurhangeri na vanhu va le Limpopo lava nga hi pfuna eka endlelo ra nhlambulo.

Lowu i nkarhi wo tika swinene.

Naswona i mikarhi ya mahlo-mulo laha matimba ya hina ma tikombisaka hakona.

Hi ta tirha hi vutlhari, hi ku tiyimisela no va na xikongomo-lo. Hi ta tirha hi hi hinkwerhu, hikuva swi le ka micingiriko ya Maafrka-Dzonga wun'wana na wun'wana leswaku ku humelela ka matshalatshala ya hina ku tshembeleke eka yena.

Nkarhi wa Thuma Mina wu le ka hina, kumbexana hilaha swi nga se tshamaka swi va kona hakona.

Leswi swi ta hundza.

Hi ta hlula.


Hi Maafrka-Dzonga.

KU NA XILO XIN'WE NTSENA LEXI MI FANELEKE KU
XI TWISISA HI MAYELANA NA NDLELA LEYI XITSONGWATSONGWA

XAKHORONA COVID-19 XI HANGALAKAKA HAYONA


* Switsongwatsongwana swa Khorona i ndyangu lowukulu wa switsongwatsongwana
leswi swi nga endlaka ntlulelamavabyi ya hefemulo kusukela eka mukhuhlwana kuya
eka vuvabyi bya Severe Acute Respiratory Syndrome (SARS)

Xitsongwatsongwana lexi xi tlulela loko mathonsi ma nghena eka:



Loko u vona munhu wun'wana a ri karhi a khohlola/ a hetshemula / a vabya, u nga hlawula ku:

1. Yima ekule na yena



(0,5 wa timitara kufikela eka timitara
ti2 ku ta endla u hlayiseka eka
mathonsi lamakulu)

2. Papalata nhlayo ya vanhu votala



(Vanhu lava va nga na mavabyi a va kombisi
swikombiso, kambe va nga tluleta van'wana mavabyi)

Mikarhi yin'wana marhi ya munhu loyi a vabyaka ma nga nghena eka swilo swin'wana



MAVOKO



TIMBATI



SWITIRHISIWA



MAWUSI



TIKHAPU



SWITSALO



TINDHAWU TO
KHOMELELA
EKA TONA



SWIBYE

Loko wo khumba xihi kumbe xihi xa swilo leswi hi xihoxo, kutani u tikhumbha xikandza, u tipfinyinga mahlo ya wena kumbe u khumba xikandza xa murhandziwa wa wena, hinkwenu ka n'wina mi nga vabya.

TINDLELA TA MUNE TO PAPALATA KU TLULERIWA HI MAVABYI

1

HLAMBA MAVOKO

Hlamba mavoko ya wena hi xisibi hi ku hetiseka. Hlamba ehandle ka mavoko ya wena, exikarhi ka tintiho na le hansi ka minwala. Hlamba mavoko ya wena mikarhi hinkwayo u nga se dya, naswona endzhaku ka loko u humile u ya hlangana na van'wana vanhu.

2

MATIKHOMELO YA KAHLE YA RIHANYU

Pfala nomo wa wena hi thixu loko u khohlola na ku hetshemula. Papalata ku tikhumba xikandza hi mavoko lama thyakeke hi mikarhi hinkwayo. Loko swi boha leswaku u swi endla, sungula u hlamba mavoko ya wena hi xisibi hi ku hetiseka.

3

MI NGA AVELANI SWAKUDYA NA SWIBYE

Switsongwatsongwana swi nga tlulela kusuka eka mikwana, tiforoko, malepula na switirowo. Tirhisa ntsena swibye leswi nga basa, naswona mi nga avelani swonwa. Hlamba mavoko mikarhi hinkwayo u nga se dya.

4

ENDZELA DOKODELA LOKO U U NGA TITWI KAHLE

Swikombiso swa ntolovelu swi katsa ku khohlola, tinhompfu leti humaka marhimila, ku hisa miri na ku tikeriwa ku hefemula. Loko u ri na xihi kumbe xihi xa swikombiso leswi, lava ku pfuniwa hi swa vutshunguri hi xihatla.

Hlamba ku suka la na ku fika la

24HR NICD HOTLINE 0800 029 999

TSHAMA U PFULE MAHLO NO TIRHISA MITOLOVELO YO TSHAMA U BASILE

Xiyimo xa cinca, kutani kamba swo engetela eka www.health.gov.za na www.nicd.ac.za